



13.07.2010

UPA2010/68

Inatsisartut Suleriaasianni § 32 naapertorlugu aalajangiiffigisassatut siunnersuut imattoq matu-muuna saqqummiupparput:

Inuusuttut nunanut allanut oqaatsinik ilinniariarlutik aallartartut amerlanerulernissaat a-nguniarlugu, Naalakkersuisut suliamik aallartitsinissamik peqquneqarnissaannik, Inatsisar-tut aalajangiiffigisassaattut siunnersuut.

(Inatsisartuni ilaasortaq Malik Berthelsen, Siumut)

Tunngavilersuut:

Oqaatsinik arlalinnik pisinnaasaqarneq taassaavoq nunarsuup sinneranut matuersaat! Tuluit oqaasii nunani assiginngitsuni 50-init inunnillu 400 mio.-init ikinnerungngitsunit pisortatigoortumik imaluunniit pingarnersaallutik oqaasiupput. Nunarsuarmilu allakkat tamarmiusut 75%-ii, aviisillu saqqummersartut affaat sinnerlugit tuluttut allagaasarput.

Tuluit oqaasii nunat akornanni attaveqatigiinnermi (kommunikation), niuerterup silarsuaani, ilin-niagaqarfinni, nutarsiassani assigisaanilu tamani naalagaapput.

Tuluttut oqalussinnaagaanni nunarsuup sinnerani oqaatsitigut ajornartorsiuteqarani angalasoqarsin-naavoq.

Taamaattumik pissutissaqarluarpugut inuusuttunut oqallorinnerulerusuttunut piumasunut tamanut periarfissanik suli pitsaanerusunik aqqutissiuussissalluta.

Imaanngitsoq angajoqqaat atugarissaarnerulaartut meeraat kisimik tuluttut pikkorissariartornissa-minnut periarfissaqartassasut. Soorlumi Naalakkersuisut nassuerutigigaat aningaasartuutit ilarujus-suinut angajoqqaat akiliisarnerat pissutaalluni, akissakinnerusorpassuit qitornatik tuluttut pikkoris-sartikkiartussallugit akissaqarneq ajortut ilisimallugit.

Ullumikkut meeqqat atuarfianniit naamassisartut 37%-ii, tassa inuusuttut 300-it missaniittut Nuna-natsinni Qallunaalluunniit Nunaanni Nunatta karsianit siornatigut ukiumut 10 mio.kr.-it ataatalaar-lugit ukioq mannalu 7.6mio. kr.-nik tapiiffigineqarlutik efterskoleni aallartittarput.

Efterskolimiitsitsisarneq imminermini akornutissaqanngilaq. Tassami inuusuttuaqqat ilinniari finn-ut ingerlaqqinnissaminut oqaatsitsigut inutullu perorsimanerulernertik iluaqtigalugu ilinniagaqaler-nissaminut iluaqtigisarsimassagaat qularnanngimmat.

Kisianni isumaga malillugu nunaarannguamut 5 mio. sinnilaaginnarlugit inulimmut aallartitsisar-nermiit inuusuttuarartagut suli amerlanerusut nunarsuup sinneranut siammarlugit aallartittalerutsigit aningaasatigut, inutullu pissarsiaqarneq eqqarsaatigalugit imminut akilersinnaanerujussuussasoq i-sumaqarpunga.

Inuusuttunut qanittumik inuuneqarluni, nalunarneq ajorpoq inuusuttut Qallunaat Nunaanni efterskoliinnerminni tamakkiisumik qallunaatut oqalulerneq ajortut, immaqa ilaatigut atuarfimmi ataatsimi kalaaleqatigiit amerlavallaartarneri pissutaallutik. Illuatungaanili nunarsuup sinneranut siamsmarsimallutik ukiisimagaagamik tuluttut tamakkiisumik ilikkarsimallutik angerlatarput. Tamannalu Nunatsinnut inuiaqatigiinnullu iluaqtaasorujussuusoq Naalakkersuisut uppernarsarpaat.

Kisitsisit qiviaraanni takuneqarsinnaavoq 18-it inorlugit ukiullit AFS aqqutigalugu nunanut allanut tuluttut pikkorissariartartut 60 - 70-illu akornanniittartut. Efterskolertartunut sanilliullugit sisamaammik ikinnerupput, tassa 230 - 240-it missaannik ningallutik. Nunattalu karsianit Oqaatsinik Pikkorissarfik aqqutigalugu ukiumut taamallaat 500.000kr.-nik missingersuusiorneqartarlutik, a-ngalanernut matussutissanik.

Efterskolit AFS-illu akigititai qimerlooraanni takuneqarsinnaavoq akimikkut assigiipajaartut, ilaati-gulluunniimmi AFS akikinnerusinnaasapoq apeqquaalluni nuna sorleq qinersimanerlugu.

Inuusuttattu suli amerlanerusut tuluttut pikkorissariarttalernissaannut amerlanerusunik aningaa-saliinissaq ilumut pisariaqassanersoq maannakkut oqaatigisinnaanngilara. Isumaqprama efterskolit aningaasaliissutit iluanni immaqa tamanna aaqqinneqarsinnaasoq. Tassa efterskolertussaagaluit pileraarineq aqqutigalugu AFS atorlugu ukiaartortussat amerlisarsinnaagigut isumaqprama, sooru-nami pinngitsaaliineq aqqutiginagu.

Tuluttut oqalussinnaaneq ilinniarsimassutsikkut annertuumik qaffassaataammat ilinniarsimassuserlu inuiaqatigiinnut pisuussutaammat annertooq, neriuuppunga Inatsisartunit siunnersuut una taperserne-qarumaartoq.